

2 Petro

1 Si³mãu² Pe²jah³lo²na¹xai²na² Je³su²
 Kris²tu³jah¹lai²na² a²sa³wit³sa¹wa².
 A³lxi²sa³ha²kxai³ a²wa³kxën³no³sa²kah³lo²sa¹wa².
 ĩ³sa²si¹hã³sa²kxah³lo²sa¹wa². Nxe³sa³ha²kxai³
 wã³txa² ũ³wha²li¹lhã³ ũ³hũ²xai³nx²ta¹wa².
 Je³su² Kris²tu³jah¹la² Txa²wã¹sũ³nu²su²
 ha²kxai³ wain³ju³ta² so¹lxi³ kãi³jah¹lai²la¹wa².
 Kõ³nxe³ti³ kãi³ki³ju³ta² sa²wa²su¹tẽ³jah¹lai²la¹wa².
 Nxe³jah¹lo²su² ha²kxai³ ĩ³yo²ĩ²a¹wa².
 ĩ³yo²ĩ²a¹ha²kxai³ wain³te²lot³sa²jah¹lo²sa¹wa².
 Nxe³sxã³ txai²yã¹nxe² yxo²ĩ²yah³lxin¹te² ĩ³nxai²na²
 ũ³wha²li¹lhã³ ũ³hũ¹nx²ta¹wa².

2 Nxe³nx²ta¹ha²kxai³ Txa²wã¹sũ³na²
 Si³yxau³jah¹lai²na² sa²kxai³lu² Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lai²na² sa²kxai³lu²
 nxe³ya³sxã³ kãin² thãi³ti³la² a³lxi¹nx²ti³si¹hi²
 wxa²nxũ²kwai³nãu³a² ã³nhãu²no³txa²lxi³si¹hi²
 nxe³nx²ti³si¹ha¹jau³su² ten³sa³nha²wa².
 Wi¹la³la³kxi²nũh¹yah³lxin¹nha²kxai³ ã²la²
 kãi²non³sxã³ nxe² ai³nx²ti³ju³ta² ten³sa³nha²wa².

Txa²wã¹sũ³na² ĩ²sxã³ ĩ³sa²so¹nẽ³jau³su²

3 Jã¹nxe³jut³su² Txa²wã¹sũ³na² sa²kxai³lu²
 Nũ³kxũn³ta² Si³yxau³jah¹lai²la¹wa².
 Wxi²kin³ti³ton³ju³ta² kãin²khaix¹nx²na³la².
 Wi¹ju³ta² so¹lxi³ kãi³jah¹lai²la¹wa². Txa²wã¹sũ³na²
 hi²sen³kxai³lu² a³la³kxi²si¹nhẽ³jah¹lai²la¹wa².
 ĩ³kaix¹so¹nẽ³na²hẽ³la². Nxe³nẽ³lha²kxai³
 ka³te³na² wi¹tãu³la³ ya²la³tu³ ũ³hũ¹nhẽ³na³la².

Nxe³ju³tan¹te²kxa³yan³tu³ a²ya³la³tu³
 wi¹lhin¹ti¹hi¹tē³na³la². Txa²wā¹sū³na²
 a²nū³cxūn³ju³tan²tu³ ī³hxi²kat1sa²so¹nē³na³la².
 Ju¹tai²na² a³la³kxi²ki³tā³la².

4 Nxe³ki³sa³ha²kxai³ yen³kxa² wi¹khaix1te²a²
 ū³hū¹nhē³te³lhxā³ ī³ye³ū¹nhē³na²hē³la².
 Oh³xan¹te²a² yxo²kwain³kxa² Txa²wā¹sū³na²
 yā¹nxe² yxo²kwain³kxa² ī³wet1si¹nhē³ju³ta³nū³a²
 ten³si¹nhē³jau³su² ī³ye³ū¹nhē³na²hē³la².
 Jā¹nxe³ha²kxai³ oh³nān¹te²a² yxo²kwain³kxa²
 nxū²kwai³yxau³nē³kxai²nān²tu³ Txa²wā¹sū³na²
 e²nain¹te²la³ yxo²kwain³kxa² ā³wa²sut1sxā³
 yxau³hī³ki³tā³la². Txa²wā¹sū³na² e²nain¹te²la³
 yxo²kwain³kxa² ī³kō³nxe³kxi²nē³te²ju²hē³la²,
 nxe³ha²kxai³la².

5 Jā¹nxe³ha²kxai³lu¹ ī³nxū²kwai³lxū¹jah¹lxi³hē¹la².
 Kxān³su² yxo²i²yah³lxi³ta¹hi¹nhē¹la².
 Jā¹nxe³sa²tē³jah¹lxi³hē¹la². Yxah³lxin¹kxai²nān²tu³
 wxa²ē¹nāu³ai²na² ī³wi¹lhin¹jah³lxi³hē¹la².
 Nxe² ī³wi¹lhin¹yah³lhin¹kxai²nān²tu³ kāin²
 wi¹kō³nha¹jah³lxi³hē¹la².

6 Nxe² wi¹kō³nha²yah³lxin¹kxai²nān²tu³
 wain³txi³ ain³nha²sxā³ a²hoh³lxi³si¹jah³lxi³hē¹la².
 Nxe³yah³lxin¹kxai²nān²tu³ khāuh³lxa³txi¹nx2tain¹kxan²ti³
 Txa²wā¹sū³na² wān³txa² kan²txi³
 yxo²i²jah³lxi³hē¹la². Kan¹txi³ yxo²i²yah³lxin¹kxai²nān²tu³
 wi¹lhin¹ju³ta² so¹lxi³ kāi³nha¹jah³lxi³hē¹la².

7 Nxe² kāi³nyhah¹lxin¹kxai²nān²tu³
 wi¹lhin¹ye²nha¹jah³lxi³hē¹la². Wi¹lhin¹ye²nyhu¹ah³lxin¹kxai²nān²tu³
 a³lxi²waun¹nha¹jah³lxi³hē¹la².

8 A²nxe³ju³txai²na² a²yxo²ha³kxa¹

wxa²ē¹nāu³ai²na² wi¹lān³so¹yah³lxin¹kxai²nān²tu³
 wi¹lān³sa²si³tē³kxah¹lxin¹kxai²nān²tu³
 Je³su² Kris²tu³jah¹la² Txa²wā¹hxi²kan¹ta²
 Si³yxau³jah¹la² a³la³kxi² kǎi²non³yah³lxi³hī³nxa¹lxa².
 Kwa²toh³lxa³ti³sa²yah²lxa³nha²kxai³ a^u³txi³
 wxa²ē¹nāu³ai²na² ā³ten³yah³lxi¹nha²kxai³
 nxe³yah³lxi³hī³nxa¹lxa².

9 Nxe³yān¹ta¹ a²nū²a² i²li³te² i³nxa²na²
 ju¹tai²na² sa²kxai³lu² taut³ton³kxai²nān²tu³
 a²nū²a² ye³han³jah¹lo²hū³yah³lxi¹nha²kxai³ a²nū²a²
 u²lxi³ ten³sa²tā³xa³jah¹lo²hū³yah³lxi¹nha²kxai³
 nxe³yah³lxi³hī³nxa¹lxa². A²kxā³nxān¹ju³ta²
 nxe³wā²na³yah³lxin¹kxa² yā¹yxah³lxi³hī³nxa¹lxa².
 A²kxā³nxai³tā² kō³nxe³ti³ kǎi³yah³lxin¹tai¹ti²tu³wa².
 Yxān¹ta¹ Je³su² Kris²tu³jah¹la² ā³wa²su¹txa²lxi³tai¹ti²tu³wa².
 Nxe³kxe³su² nxe³wā²na³yah³lxi³hī³nxa¹lxa².

10 Jā¹nxe³ha²kxai³ txa²wā³tā³sa²yah³lxi¹lxa².
 Je³su² Kris²tu³jah¹la² i³nxa²lxi³sxā³
 i²sxā³ ā³yū³so¹nx2ti³ta¹hxai²ti³ai¹ti²tu³wa².
 Nxe³ju³tai²na² yxo²i²nha²khai¹nxe³jah³lxi³hē¹la².
 Nxe³yah¹lxin¹kxai²nān²tu³ hai³txi³ a²nū²a²
 ye³han³jah¹lo²su²te²a² ā³ya³hi²te²hū³nxe² kō³nxe³ti³
 kǎi³ju³ta² kǎi³yah³lxi³to³hī³nx2nxa³lxa².

11 Jā¹nxe³jut3su² wi¹lī²nyhah¹lxin¹kxai²nān²tu³
 Je³su² Kris²tu³jah¹la² Txa²wā¹hxi²kan¹ta²
 Si³yxau³jah¹la² jah¹lain²txi³ kō³nxe³ti³ kǎi³kī³ju³ta²
 ā³wa²su¹tē³jah¹lain²txi³ Txa²wā¹sū³na² ha³lo²a²
 ā³wih¹sxā³ yxau²sa²tē³yah³lxin¹ju³ta³nū³a²
 i³hau³ko³tūh¹nx2ti³tu¹wa².

12 Jā¹nxe³jut3su² ā³wi¹yah³lxin¹ju³ta³nū³su²
 ten³khaix1sa³ha²kxai³ wān³txai²li²

ĩ³tih³nxe³nx2ti³jau³xai²li² ãh¹ e³kxi²nha²
 ai³yah³lxin¹jau³nũ³su² ĩ³hen³txi¹nx2ti³to³ha¹tu¹wa².
 A²nxe³jau³xai²na²wãn³txai²li²ĩ²yah³lxin¹jau³xai³ta³lxa²na³la².
 Ya²la³lyau³xain²txi³wi¹kõ³nh³yah³lxin¹jau³xai³ta³lxa²na³la².

13 Jã¹nxa¹jut3su² ha²kxai³ yuh³xan¹kõ³xa²
 yxau²xai³la¹te²tu³ ãh¹ e³kxi²nha²
 ai³yah³lxin¹jau³nũ³su²ĩ³hen³txi³xi¹nx2ti³to³ha¹tu¹wa².
 Ju¹tai²li² wain³nha¹. Nxa¹nha²wa².

14 Jã¹nxa¹jut3su² ye³jen¹na² ya³lu²na¹tu¹wa². Je³su²
 Kris²tu³jah¹la² Txa²wã¹hxi²kan¹ta² Si³yxau³jah¹la²
 e³lẽ³na¹ĩ³hen³txi³sa³na²hẽ³la².

15 Nxa¹ha²kxai³lu¹ ya³lu²na¹hĩ¹nãn¹te²tu³
 txa²yo²wãn³txa² ĩ³hen³txi¹nx2ta¹jau³xai²na²
 nxe³wã²na³sxã³ tũ¹kxi¹nx2ti³kxa²yan³txi³nũ³su²
 hxi²waun³txi³sa³nha²wa². Nxe³sa³ha²kxai³
 ãh¹ e³kxi²nha² ai³yah³lxin¹ju³ta³nũ³a²
 hxi²nũ¹nx2ta¹tu¹wa².

Kris²tu³jah¹la² wxi²kin³ti³ton³ju³ta² ĩ²jau³su²

16 Nxa²ha¹te¹ a²kxã³nxi¹nai³tã²
 wãn³txa² ĩ³hen³txi¹nx2ta¹tai¹ti²tu³wa²
 Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹la² a³ka³nxi²sxã³ wa³li²ju³ta³nũ³a²
 ĩ³hen³txi¹nx2ta¹ha²kxai³ Jah¹lai²na² nũ³kxũn³sxã³
 yxau²xai³ju³ta² ĩ³hen³txi¹nx2ta¹ha²kxai³
 nxe³nx2ta¹tai¹ti²tu³wa². A²nxe³jau³xai³tã²
 hai³txi³ txa²wã¹yah³la²nãu³u¹tai²nãn¹jau³xa²
 ĩ³ye³wã³nxĩn¹sxã³ ĩ³tih³nxe³nẽ³jau³sxa³tai¹ti²tu³wa².
 Nxe³yãn¹ta¹ txai²na² txa²nũ³ka³txi³nãu³xai²na²
 txa²wã¹yen³nãu³a² ĩ²sĩ¹na¹ju³khai³su² nũ³kxũn³sxã³
 kãĩ³ju³ta² so¹lxi³ ĩ³hen³txi¹nxa²lxa¹hẽ³la².

17 Jã¹nxe³sxã³ ĩ²sĩ¹na¹ju³tai³tã² nxe³te³nah¹lxi¹.
 Txa²wã¹sũ³na² Si³yxau³jah¹lai²na² Txa²wã¹wĩ³na²

Si³yxau³jah¹lo²su² ha²kxai³ nxe³te²hi²sen³kxai³lu²
 Je³su² Kris²tu³jah¹lo²kxai³lu² i³sa²nēn¹kxi²
 nxe³ye²nyha¹na²hē³la². Nxe³te³na¹ Txa²wā¹sū³na²
 Si³yxau³jah¹lain²txi³ Wxi²kin³ti³ton³txa²
 Si³yxau³jah¹lain²txi³ wān³txa² wi¹lhin¹ti³hit¹ljau³su²
 e³kxi²na²hē³la². E³kxi²te³nah¹lxi¹:

— Jah¹lai²na² Je³su² Kris²tu³jah¹lai²na²
 Txa²ki³lha³lxa²khai³xai²la¹wi¹. A³lxi²khaix¹na¹kxah³lai²la¹wi¹.
 Wi¹lxon³kxi²khaix¹sa²kxah³lai²la¹wi¹. Nxe³na²hē³la².
 18 Nxe³jau³jau¹xai²li² txa²ne³nxē³na²
 ain³kxi²sī¹na¹hē³la². Oh³xan¹te²a²
 e³kxi²jau³xai²la¹wa². Wā³la³ka³txa²
 ka³la³ya³sain¹sī¹nhī¹nai³tā² wān³txa² jau³jau¹xai²na²
 ain³kxi²sī¹na¹hē³la².

19 Jā¹nxe³kxa²yu³su² wān³txa²
 au³hxai²ti³ai¹tān¹jau³xu¹tai²na² ya²la³tu³khai¹nxe³jau³su²
 ti³ai¹ti²tu³wa². Nxe³jau³xu¹tai²li²
 wi¹lain³kxi²kī³jau³xai²la¹wa². Lā³pi³āu²tē³na²
 te²hū³na³la². Nxe³tē³na² ha³lo²a²
 ka³nxah³ju³ta² sa²kxi³kxi²nē³na³la².
 ĩ³ha²te¹sa²tē³te²ju²hē³la². ĩ³yū¹li²nxa³tā³lxa¹
 hi³ka²ta³a² a³li³xi²nxa³hī¹nān¹te²tu³
 ĩ³ko¹x1ko¹sa²tē³te²ju²hē³la². Jā¹nxe³kxe³hū³nxe²
 wān³txa² au³hxai²ti³ai¹tān¹jau³la³ ha³lo²a²
 wxā³ju³ta²nū³a² hxi²kan¹txi³ ĩ²ki³sxa³ju³ta³nū³a²
 ĩ³yau¹ū¹jau³xai²la¹wa². Txa²wā¹ē¹nāu³ai²na²
 ĩ³ko²ko²txa²nhe¹nhē³jau³xai²la¹wa².

20 Jā¹nxe³jau³xa² au³hxai²tān¹jau³xu¹tai²na²
 Txa²wā¹sū³na² ha³teh³nxā³nxai²nān¹jau³su²
 ta¹hxai²hē¹la². Nxe³jau³jau¹xai²na² sa²kxai³lu²
 a²nū²a² hxi²ki³la³ kwa²to³toh³lxi² si³yxau³tāu³su²
 ti³hi¹tain¹ta¹hxai²nxa³hē¹la².

21 Hai³txi³ a²nũ²khai³su² te²li² hxi²kan¹txi³
wãn³txa² ha³lo²a² wxã³ju³ta²nũ³a²
ĩ³yau¹ũ¹nhẽ³te²sxa³yu²hẽ³la². Nxe³yãn¹ta¹
Txa²wã¹sũ³na² Yãu³ka³jxah¹lo²su²
wi¹lhin¹khai¹lxah¹lo²su² te²a² hxi²ki³kxai³lu² a²nũ²a²
a²nxũ²kwai³wih¹sxã³ĩ³yau¹ũ¹ta¹hxai²ti³ai¹ti²tu³wa².

2

Yxo²ĩ²sxã³ ĩ³yau¹ũ¹nhẽ³jau³su² hxi²kan¹ki³lxo³tũ³ka³txa²

1 Nxa²ha¹te¹ a²kxã³nxai³tã² Sũ³na² wãn³txa²
ĩ³hen³txi³ki³lxo³te²a² wxã³ain¹ta¹hxai²ti³ai¹ti²tu³wa².
Nxe³te³nu¹jã¹nxe² wxã³ain¹tu¹wa².
Ã³ke³tũ¹nx2ti³ha³ta²wa². A²nxe³te²na²
wãn³txa² ka²yãu¹ka²yãu¹jau³xa²
hãĩ³a² ĩ³hen³txi¹nx2tai¹nha³ta²wa².
A²nxe³jau³xa² ĩ³hen³txi³nx2tain¹jau³nũ³a²
kãin² ki³han³jau³nũ³ai²la¹wa². Je³su²
Kris²tu³jah¹lai²na² txa²wã¹kõ³nxe³ti³ kãĩ³ki³ju³ta²
wxa²wa²su¹tẽ³kxe³su² te³nai¹nxa³lho³la²:
— Ki³han³jau³xai²la¹wi¹. Je³su²jah³la²
wxa²wa²su¹tũ¹nhẽ³lxa³hẽ³li¹. Yxo²ĩ²ain¹yah³lxi³txa³hẽ¹li¹.
Nxe³jau³xa²he³la³kxi³su²ĩ³hen³txi³nx2tai¹nha³ta²wa².
Yxãn¹ta¹ kãin² ki³ha³nai¹nha²kxai³ wa³su¹txi³
ye³jen¹na² ya²lun¹txa²hxa³nain¹tu¹wa²,
kõ³nxe³te³sxã³ĩ³ki³ha¹kxi¹nx2tain¹tũ³ka³txa²sa³.
2 Jã¹nxe³jut³su²tũ¹ka³txai²li²ki³han³jau³xa²so¹lxi³
e³kxain¹tu¹wa²:
— Kõ³nxe³ti³ ũ³whĩn¹ta³kxi²nyhu¹ki³kxa²
ha³ta³nxãn²txi³ wain³na³li¹. Nxe³jau³jau¹xai²na²
e³kxai¹nha³ta²wa². Nxe²e³kxain¹kxa²ha³ta³nxãn²txi³
wxa²nũ³ka³txi³ ĩ³nxai²na² ain³kxain¹kxa²
yãx1te²a² yũ³yah³lxi¹nha³ta²wa². Kõ³nxe³ti³

kāi³ain¹kxa² yā¹nxe² kāi³yah³lxi¹nha³ta²wa².
 Nxe³yah³lxi¹kxai²nān²tu³ wān³txa² wain³jau³xa²
 ya²la³tu³tīh³na² kō³nxe³ti³hit¹jah³lxi¹nha³ta²wa².

³Jā¹nxe³jut³su²tū¹kā³txai²li²ā³ke³tū¹nx²tai¹nha²kxai³
 kāin² yen³kxi³hain¹tu¹wa². Kō³nxe³ti³
 kāi³ai¹nha²kxai³ yen³kxa² kāin² so¹sxā³
 hāi³a² ũ³wha¹ain¹tu¹wa². Nxe³kxa²
 ha³ta³nxān²txi³ nxe³hī¹nān¹te²tu³ kō³nxe³ti³
 ī³yī¹li²hain¹ju³ta² yū³tu¹wa². Ī³yī¹li²hain¹jah¹la²
 ye³te³nxa² ĩ²ain¹tu¹wa². Kō³nxe³ti³
 ī³yī¹li²hain¹ju³tan¹te²kxa³ya³lhu² kāin²
 khāuh³lxa³thin¹sxā³ yxau²xai³lain¹ju³ta³nū³a²
 yū³yah³lxi³tu¹wa².

⁴ Jā¹nxe³kxe³hū³nxe² kxā³nhxī¹nu¹tai²na²
 oh³xan¹ta² nū³kā³txa² kā³lxa²nxa³te²a²
 nū³kā³txu¹tai²na² Txa²wā¹sū³na² wān³txa²
 sa²yo²ā³ain¹ta¹hxai²hē¹la². Nxe³nū²la²
 kō³nxe³ti³ kāi³ai¹nha²kxai³ Txa²wā¹sū³na²
 hī²sen³kxai³lu² tū¹kā³txai²na² tē³sxā³
 ai³sxā³ kan²txi³ ũ³tī¹kxain¹ta¹hxai²hē¹la².
 Ka³nxah³khaix¹nxe³je³na² ũ³tī¹kxain¹ta¹hxai²hē¹la².
 Kxā³nāu³a¹ kō³nxe³ti³ kāi³ain¹kxa² yo³ha²
 ũ³hū¹ain¹ju³ta³nū³ān¹te²kxa³ya³lhu² ũ³tī¹kxa²
 wxē³ain¹ta¹hxai²hē¹la².

⁵ Te²yā¹nxe³kxe³hū³ju³kxai³lu²
 kxā³nhxī¹nu¹tai²na² No³e²ah³lu¹tai²na²
 yxau²xai³ta¹hxai²ti³ai¹ti²tu³wa². Nxe³hī¹nu¹tai²na²
 a²nū²a²nāu³xu¹tai²na² No³e²ah³la²
 ī²yxau³kxain¹tū¹kā³txu¹tai²na²yo²i²ain¹ta¹hxai²nxa³ti³ai¹ti²tu³wa²
 No³e²ah³lu¹ta²kxai³lu² Sū³na² wān³txa² wain³jau³xa²
 ye³ka³lxa¹txi³ kwē³kon³tāu³a² ī³hen³txi³kxan²ti³
 hai³txi³ sa²yo²we¹tain¹ta¹hxai²nxa³ti³ai¹ti²tu³wa².

Nxe³ka³tu³ta¹ Txa²wā¹sū³na² hi²sen³kxai³lu²
 i³yau³xa² kāin² wē³hā¹si¹ha²kxai³ ka³wā³lxa²
 kāin² hūx¹si¹ha²kxai³ yuh³xan¹ko³xai²na²
 txa²wā¹ha³lo²ai²na² whāi²na¹ ā³tī¹kxa²
 sa²sai¹ti³hi¹ta¹hxai²ti³ai¹ti²tu³wa². Nxe³sxā³
 No³e²ah³lu¹ta²na² so¹lxi³ a²wē³ha³lxi³yu³txu¹ta²na²
 a²nū²a²ha¹li¹ha¹li¹ha¹li¹ka³na³ki¹nxe³te²a²so¹lxi³
 wxa²wa²sut¹sxā³ hi¹nain¹ta¹hxai²ti³ai¹ti²tu³wa².
 Yxān¹ta¹ Sū³na² sa²yxo²ā³te²nāu³xa² sa²kxai³lu²
 i³lo³nxe²ya²lun¹ta²hxa³nain¹ta¹hxai²ti³ai¹ti²tu³wa².

6 Te²yā¹nxe³jut³su² kxā³nhxī¹nu¹ta²na²
 a²nū²a²nāu³xu¹ta²na² So³to²ma² nū³ka³txu¹ta²na²
 Ko³mo²ra² nū³ka³txu¹ta²na² nxe³sxā³ kāin²
 ko³nxe³ti³ kāi³ain¹ta¹hxai²ti³ai¹ti²tu³wa².
 Nxe³ha²kxai³ Txa²wā¹sū³na² hi²sen³kxai³lu²
 sxi²je³nu¹tā² ũ³thū²hxa³tain¹ta¹hxai²ti³ai¹ti²tu³wa².
 Nxe³sxā³ Sū³na² wān³txa² a²e¹nān¹jau³kxai³lu¹:

— A²nū²a² i²li³te²su² te²nū³a² ko³nxe³ti³
 kāi³ain¹kxa²yān³ti³su² a²yo³ha² ko³nxe³ti³
 i³yī¹li²hai¹na¹kxe³nū³su² a³la³kxain¹tū¹xā¹.
 Nxe³nha²ta¹hxai²hē¹la².

7 Nxe³sxā³ yuh¹xan¹ko³nāu³a²
 kwa²ten³sa²tā³tāu³a² Lo³ah³lu¹ta²na² so¹lxi³
 wi¹lhin¹ta² kāi³jah¹lo²su² ye²ta¹hxai²ti³ai¹ti²tu³wa².
 A²nū²a²nāu³xai²na² a²yxo²ha³kxa¹ kuh³lxa³thin¹sxā³
 ko³nxe³ti³ wa³nī³lo³nai¹nha²kxai³ wai³nxa³ju³ta²
 so¹lxi³ kāi³ain¹ta¹hxai²hē¹la².

8 Nxai¹nha²kxai³lu¹ Lo²ah³lu¹ta²na² sa²kxai³lu²
 a²e¹nān¹jau³kxai³lu²:

— Tū¹ka³txai²na² ko³nxe³thin¹ju³ta² so¹lxi³
 kāi³sa²tē³ain¹nīn²tā¹. Nxain¹ju³ta²na²
 txa²e¹nāu³a² au³txi³ i³h³nha¹. Te²yā¹nxa²
 kāi³a¹ju³ta² ten³sa²nxa³nha¹. Yxo²kwī¹kxi²sa³nha¹.

A²ẽ¹nã¹jau³xa² Lo²ah³lu¹ta²na² nxe³ta¹hxai²hẽ¹la².
 Nxe³ju³tan¹te²kxa³yan³tu³ Txa²wã¹sũ³na²
 hi²sen³kxai³lu² Lo²ah³lu¹ta²na² so¹lxi³
 sa²sai¹xi²sãn²nũ²la² sxi²je³nãn¹tũ³ka³txa² whã¹na¹
 ya²lu¹ta³lxa²hxa³tain¹ta¹hxai²ti³ai¹ti²tu³wa².

9 Nxe³ju³ta²na² Sũ³na² ũ³wha²li¹txã³nxa²
 i²ki³te²jai¹ti²tu³wa². Nxe³ki³sa²kxai³
 a²nũ²a² wi¹lhin¹ti³hi¹te²na² kō³nxe³ti³ju³ta²
 i³ha¹txi²nhain¹kxai²nãn²tu³ Txa²wã¹sũ³na²
 nxũ²kwai³lxũ¹nũ¹hain¹tu¹wa², kō³nxe³ti³
 kã³kxa²yan³ti³sa². Te²yã¹nxe³kxe³hũ³nxe²
 wi¹lhi¹nai¹nxa³te²a² kã³kxa² yo³ha²
 ũ³wha¹ũ¹hain¹tu¹wa². Kxã³nãu³a¹ a²nũ²a²
 a²yo²ha³kxa¹ kã³ain¹kxa² yo³yhu³ta²
 ũ³hũ¹je³na³kxa² ũ³wha¹nũ¹hain¹tu¹wa².

10 Nxe³sxã³ kō³nxe³ti³ kã³tũ³ka³txai²na²
 sa²kxai³lu² kuh³lxa³thin¹sxã³ o²la³kxi²nyhu¹kxi³ju³ta²
 so¹lxi³ yxo²kwai³nai¹nha²kxai³ yuh³xai²nãn¹te²a²
 kuh³lxa³thin¹kxi²ju³ta² yxau²xai³lain¹na³la².
 A²nũ²a² a²hxi²kan¹jah¹lai²na² wãn³txa²
 sa²yo²ã³ain¹na³la². Txa²wã¹sũ³na² Si³yxau³tãu³a²
 yuh³lai¹nxa³sxã³ kō³nxe³te²lot³sxã³ e²nai¹nha²kxai³
 a²nũ²a² hxi²kan¹jah¹la² yuh³lai¹nxa³ha²kxai³
 ain¹kxa²yu³su² a²ẽ¹nãu³a² te³nain¹kxa²
 so¹lxi³ kã³sa²tẽ³ain¹na³la². Te²yã¹nxũn³sxã³
 oh³xan¹te²nãu³xa² yuh³lxai¹nxa³sxã³
 kō³nxe³ti³hit¹jau³su² e³kxi²nũ¹hain¹na³la²,
 kō³nxe³tũ³ka³txa²sa³.

11 Nxain¹ju³tan¹te²kxa³yan³tu³ta¹
 oh³xan¹te²nãu³xa² nũ³kxũn³txi³
 wa³to²hi²tũ³ka³txi³su² ha²kxai³ hxi²kan¹txi³
 wa³to²hi²tũ³ka³txi³su² ha²kxai³ nxe³te²a²

ha³ta³nxān²txi³ te²yā¹nxe³jau³xa²
 Txa²wā¹hxi²kan¹ta² Si³yxau³jah¹la² a²yen³nāu³a²
 ko³nxe³ti³ ĩ³yī¹li²si¹jau³nū³su² e³kxai¹nxa³wa³.

12 Nxe²nxa³ha²kxai³ yuh³xai²nān¹te²a²
 ko³nxe³ti³ kǎi³tū³ka³txa²kxai³lu² ka³yxuh³xa²
 yā¹nxain¹na³la². Nxe³te²a²ka³yxuh³xa²kwa²ha³lo²a²
 ai³te²ju²hē³la². Ai³te³na¹, a²nū²a²hi²sen³kxai³lu²
 wa³ka³to³kxi²sa²ha²kxai³ ā³nan³kxi²te²ju²hē³la².
 ĩ²li³ju³ta² te³nain¹kxai²nān²tu³ ai³lyain¹te²ju²hē³la².
 Sū³na² wān³txa² nxū²kwai³yxau³te²sxa³yu²hē³la².
 A²nxe³ tū¹ka³txai²nān²tu³ te²yā¹nxain¹na³la².
 Yen³kxa² ko³nxai¹nxa³kxa² ko³nxe³ti³hi¹tain¹na³la².
 Jā¹nxe³jut³su² tū¹ka³txai²na² sa²kxai³lu²
 ka³yxuh³hū³yai¹nha²kxai³ ĩ³ya²lut¹sxā³
 hxa³tain¹tu¹wa².

13 Ko³nxe³ti³ kǎi³ai¹nhxai²na²hē³
 nxe³ju³tan¹te²kxa³ya³lhu²kāin²khāuh³lxa³tain¹tu¹wa².
 A³lan²ta² hāi¹nxa² ko³nxe³ti³ wa³ni³lon³ju³ta² so¹lxī³
 yxo²kwai³nain¹na³la². Yain³kxi²nyhu¹ah³lxin¹kxai²nān²tu³
 āu²lxa²thin¹yah³lxī¹nha²kxai³ ko³nxe³ti³
 kǎi³yah³lxī¹nha²kxai³ nxe³yah³lxin¹tāu³a¹ kwa²
 wi¹lhin¹ki³lxo³yxah¹lxī¹lxa².

14 Txu¹ha² ā³xai²la³ ta³nxa² in³txa² ā³xai²la³
 ta³nxa² ũ³whīn¹ta³kxi²nyhu¹ju³ta² so¹lxī³
 te³nain¹na³la². Ko³nxe³ti³ kǎi³ju³ta² so¹lxī³
 o²la³kxain¹na³la². A²nū²ai²na² kū³we²ki²la²
 yxo²ī²xa³te²a² ko³nxe³ti³ kǎi³si¹ju³ta³nū³su²
 o²la³kxain¹na³la². Ko³nxe³ta² yxo²kwain³kxa²
 so¹lxī³ a²ē¹nāu³ai²na² wa³kxih³ wxē³nḥain¹na³la²
 Nxe³ju³tan¹te²kxa³ya³lhu² Txa²wā¹sū³na²
 hxi²ki³kxai²li² ko³nxe³ti³ ĩ³yī¹lain¹ju³ta³nū³a²
 yū²na³la².

15 Txa²wā¹sũ³na² wān³txa² sa²yo²we¹tīh³na²
 i²ain¹ta¹ tīh³nu² ā³lxi³tīh³nai²na² ai³lain¹sxā³
 tī¹kxi²nyhain¹na³la². Ba³la³āu²ah³lu¹ta²na²
 Be³o²rah³la² a²ki³lha³lxu¹ta²nān²tu³
 ā³nxai³tīh³nain²txi³ ai³lain¹na³la²
 A²nxe³jah¹lu¹ta²nān²ta³ ko³nxe³ti³ kâi³ju³ta² yo³ha²
 yxo²kwain³ta¹hxai²ti³ai¹ti²tu³wa².

16 Yxo²kwain³ta¹ ju³mēn²tu¹ta²na²
 ka²va¹la²hũ³te²a² ā³ka³ti³wxe²xai³tāu³a¹
 hai³txi³ ju³mēn²to²te²na² hxi²kan¹txi³ a²nũ²a²
 wān³txa² e³te²sxa³yu²hē³la². Nxe³kxan²ti³
 ju³mēn²tu¹ta²na² hi²sen³kxai³lu² a²nũ²a²
 wān³txu¹jā¹nxe³sxā³ Ba³la³āu²ah³lu¹ta²nān²tu³
 i³kwai²kxi²ta¹hxai²ti³ai¹ti²tu³wa². Ī³kwai²kxi²ha²kxai³
 Ba³la³āu²ah³lu¹ta²na² wen¹te²hũ³te²a²
 i³yo²kāin²ti³nha²ju³tu¹ta²na² ā³nhāu²no³ta¹hxai²ti³ai¹ti²tu³wa².

17 A²nxe³ju³ta²na² ko³nxe³ti³ kâi³ain¹tũ³ka³txai²li²
 ka³wā³lxa² yā¹xain¹na³la². Ī³yau³xa²
 hxan³kxai²nān²tu³ ka³wā³lxi²na² te²te²ju²hē³la².
 Te²yā¹nxain¹na³la². O³sī³nai²na² yā¹xain¹na³la².
 It3ta² ũn³jau³xa² kwa³sa²tā³te²ju²hē³la².
 Te²yā¹nxain¹na³la². A²nxe³te²na²
 sa²kxai³lu² Txa²wā¹sũ³na² hi²sen³kxai³lu²
 a³ya³txain¹tu¹wa². Ka³nxah³sa²tē³jen³nũ³a² ā²la²
 āu¹la³kxi²ta¹hxai²hē¹la².

18 A²nxe³tũ³ka³txai²na² sa²kxai³lu² ha³lo²a²
 wai³nxa³ju³ta² so¹lxi³ yxau²ho³hain¹na³la².
 Nxe³ha²kxai³ a²nũ²a² ĩ²li³te²a²:

— Ko³nxe³tīh³na² ā³na¹sxā³ ā³waix³kxi²na¹tũ¹xā¹.
 Nxe³jau³su² kxai²nān²tu³ tũ¹ka³txai²na²
 hi²sen³su² te³nai¹nxa³wa². Te³nai¹nxa³ha²kxai³
 yxo²kāin²e³ai¹nha²kxai³ wān³txa² toh³lxi³jau³xa²

kwa² ĩ³kāi²no³nha²si¹jau³xa² e³ai¹nha²kxai³
 nxe³ain¹na³la². Nxain¹ju³tan¹te²kxa³ya³lhu²
 kuh³lxa³thin¹sxã³ o²la³kxi²si¹hai¹nha²kxai³
 yuh³xai²nān¹te²a² yxo²kwain³kxa²
 ā³si³tē³kxi²si¹hai¹nha²kxai³ nxe³si¹jau³su²
 ā³ke³tū¹nū¹hain¹ju³ta² te³nain¹na³la².

19 Nxain¹te³na¹ ko³nxe³tū³ka³txai²na²
 wi¹lhin¹ki³lxo³jau³xa² e³kxain¹na³la². Te³nah¹lxī¹:

— Txa²wān³txa² e³kxi¹nx2ta¹jau³xa²
 sa²yxo²we¹jah³lxin¹kxai²nān²tū³ ā³wa²sut¹sxã³
 yxau³yah³lxin¹tu¹wi¹. Nxe³jau³su²
 ā³ke³tū¹si¹hain¹jau³nū³su² e³kxain¹na³la².
 Nxain¹ta¹ txū¹ka³txai²na² sa²kxai³lu²
 ko³nxe³ti³ kãi³te²lo³tain¹na³la². Nxe³ju³ta²
 yen³kxa² ĩ²li³ju³tai²na² hxi²kan¹txi³
 wa³ka³to³ki³sxa³kxai²nān²tū³ nxe³ju³ju¹tai²na²
 sa²kxai³lu² sa²yxo²we¹ki³tāu³lot3hī³ki³tā³la².
 Te²u¹jā¹nxain¹na³la².

20 Jā¹nxain¹jut3su² a²wi¹lhī¹na² Je³su²
 Kris²tu³jah¹lai²na² Txa²wā¹hxi²kan¹ta²
 Si³yxau³jah¹lai²na² ā³wa²su¹tū¹nhē³jah¹lai²na²
 ĩ²nyhain¹na²hē³la². Nyhai¹nha²kxai³
 yuh³xai²nān¹te²a² ko³nxe³ti³ kãi³kxe³su²
 ā³wa²su¹tain¹na²hē³la². Nxe³yān¹ta¹
 hā²wxān³txa³ yuh³xai²nān¹te²a² ko³nxe³ju³ta² āh¹
 o²la³kxain¹kxai²nān²tū³ nxe³te²a² yuh³xai²nān¹te²a²
 ko³nxe³kxe³su² wa³ka³to³tai¹nhī³nx2na³la².
 A²wi¹lhī¹nān¹ju³ta² wai³nain¹na²hē³la².
 Yxān¹ta¹ nxe³hī¹nān¹te²tū³ ko³nxe³ti³ju³ta²
 ā³kāi²no³tū¹hain¹na³la². Nxe³sxã³ ko³nxe³ti³
 kãi³ain¹ju³ta² ā³kāi²non³kxa² yā¹nxe² kãi³ain¹kxa²

yo³ha² ā³kāi²non³nūn³tu¹wa².

21 A²wi¹lhī¹na² tīh³na² wain³txi³
 kāi³ain¹tīh³na² ī²ain¹na²hē³la². Txa²wā¹sū³na²
 wān³txa² wi¹lhīn¹jau³xai²na² sa²yxo²wet¹sxā³
 kāi³ain¹na²hē³la². Ju¹ta²na² wain³na³la². Yxān¹ta¹
 kxā³nāu³a² tīh³na² wain³txi³ ī²ain¹tīh³na²
 sa²kxai³lu² sa²yxo²ā³ain¹na²hē³la². Nxe³ju³ta²na²
 wain³ti³he¹nx²na³wa². Nxe³ain¹jut³su²
 ko³nxe³tain¹ju³ta² ā³kāi²no³tā³la².

22 Jā¹nxain¹jut³su² wān³txa² tī³yau³xu¹ta²na²
 wān³txa² yā¹nxain¹na³la². Nxe³jau³xa²sa¹:

— Wai³a³lxa² ī³nih¹kxai²nān²tu³ a³luh³te²ju²hē³li¹.
 Hā²wxān³txa³ ye³jen¹na² ā³wā³li²sxā³
 a³luh³jau³xai²li² āh¹ ī³yai³nxi²te²ju²hē³li¹.
 Nxe³jau³jau¹xai²li² nxe³hxai²na²hē³la².
 Te²yāx¹jau³xa² āh¹lxi³jau³xa²sa¹:

— Yxa³kxi³su² te²a² ha³lo²a² kwā¹kwān¹ju³ta²
 kwa²sxa³te²ju²hē³li¹. Nxe³yān¹ta¹ a²nū²a²
 hi²sen³kxai³lu² yxa³kxai²na² tē³sxā³
 wxa²hī³la³kxa² han³ka²txi³nū¹hī³nx²na³li¹.
 Wxa²hī³la³kxi² han³ka²txi³nū²la² hā²wxān³txa³
 ye³jen¹na² te²yxa³kxain²txi³ wā³li²sxā³
 ha³lo²a² kwā¹kwān¹ju³ta² āh¹lxi³sxā³
 kwa²sxa³xi²hī³nx²na³li¹. Nxe³jau³jau¹xai²li²
 nxe³hxai²na²hē³la². Jā¹nxe³jut³su² tū¹kā³txai²na²
 ko³nxe³ti³ kāi³tū³kā³txai²na² yxa³kxa²
 yā¹nxain¹na³la².

3

Txa²wā¹hxi²kan¹ta² Si³yxa³jah¹la² a³ka³nxi²sxā³
 wxā³ju³ta²nū³su²

1 Txa²wã³tã³yah³lxi¹lxa². A³lxi¹nx2ta¹nha²wa².
 Ha³teh³nxã³nxa² ũ³wha²li¹la³kxi¹nx2ta¹tai¹ti²ti¹.
 Jã¹nxe³nx2ta¹tu¹wi¹. Nxe³nx2ta¹txã³nxai²na²
 sa²kxai³lu²wxa²ê¹nãu³ai²na²wã²nxũ¹hain³nyhah¹lxin¹kxa²
 wi¹lhin¹ju³ta²so¹lxi³wã²nxũ¹hain³nha²yah³lxin¹ju³ta³nũ³a²
 ten³sa³nhai¹. Nxe³nx2ta¹jau³su²nxe³ye¹nx2ta¹wa².

2 Wãn³txa² kxã³nxu¹tai²nãn¹jau³xai²na²
 Txa²wã¹sũ³na²wãn³txa²hen³txi³si¹tũ³ka³txu¹tai²nãn¹jau³xa²
 ĩ³sa²wa³la³kxi¹nx2ti³ha²kxai³ wãn³txa²
 Je³su²jah³la² Txa²wã¹hxi²kan¹ta²
 Si³yxau³jah¹lai²na² txa²wã¹ê¹nãu³ai²na²
 sa²hau³ko³tũ¹nhẽ³jah¹lai²na² wãn³txa²
 kwa³na³kxi²nẽ³jau³xai²tã² nxe³jau³xai²na² Sũ³na²
 ĩ³kaix1so¹tũ³ka³txa² ĩ³sa²si¹hã³ũh¹nx2tain¹tũ³ka³txa²
 wi¹lhin¹khai¹nxe³tũ³ka³txa² wãn³txai³tã²
 ĩ³sa²wa³la³kxi¹nx2ti³ha²kxai³ nxe³si¹nx2ta¹jau³su¹
 nxe³ye¹nx2ta¹wa².

3 A²nxe³jau³su² wi¹lĩ²nha¹jah¹lxi³hẽ¹la².
 Txa²wã¹ha³lo²a² ne³ki³so³nhxan³je³na³wa³kxa²
 a²nũ²a² kuh³lxa³thin¹te²a² wxã³yain¹tu¹wa².
 Wxã³yain¹te²kxai³lu² kuh³lxa³thin¹ju³ta²
 so¹lxi³ kã³si¹hain¹tu¹wa². Kõ³nxe³ti³
 yxo²kwa³lxi³txa²lxain¹tu¹wa².

4 ĩ³ki³ha¹kxi¹nxa²lxain¹tu¹wa². Nxe³nxa²lxain¹te³nah¹lxi¹:
 — Je³su²jah³lai¹tã² wa³li²xi²jau³nũ³su²
 ain³kxi²kĩ³tai¹ti²tu³wi¹. Nxe³yãn¹ta¹ ĩh¹nũ¹la³ta³
 he¹ji¹ku¹, kĩ³nhai¹. Txa²wã¹yah³la²nãu³xa²
 ya³lu²kxi²nẽ³tai¹ti²tu³wi¹. Yxãn¹ta¹ wa³la²
 ĩ³xi²nxa³te²tai¹ti²tu³wi¹. Txa²wã¹ha³lo²a²
 kxã³nhxĩ¹nu¹tai²na² wã²nxũh¹ yũ³si¹jau³nũ³su²
 ĩ³ye³ta¹hxai²ti³ai¹ti²tu³wi¹. Nxe³ta¹
 nxe³hĩ¹nãn¹te²tu³ ha³lo²ai²na² wã²nxũh¹

yũ³hĩ¹nu¹jã¹nxe² ai²sa²tẽ³te²:ju²hẽ³li¹. Yxãn¹ta¹
wa³li²te²sxa³jai¹ti²tu³wi¹. Nxain¹jau³su²
ĩ³ki³ha¹kxi¹nxa²lxai¹nha³ta²wa².

5 Jã¹nxain¹jau³su² wãn³txa² a²ya³la³tu³jau³xa²
te³nai¹nxa³jau³su² kwa²sa²tã³ain¹te²ju²hẽ³la².
Nxe³jau³xa²sa¹. A²wi¹lhĩ¹nu¹ta²na²
Txa²wã¹sũ³na² hi²sen³kxai³lu² wãn³txa² so¹lxĩ³
e³ha²kxai³ yen³kxa² ĩ³yũ¹ta¹hxai²ti³ai¹ti²tu³wa².
Txa²wã¹oh³xan¹ko³xai²na² wã²nxũh¹
yũ³si¹jau³nũ³su² ĩ³ye³ta¹hxai²ti³ai¹ti²tu³wa².
Nxe³te³nu¹ta²na¹ txa²wã¹ha³lo²ai²na²
yuh³xan¹ko³xai²na² ĩ³yau³xa² sa²sai¹sxã³
wa³si³sin³ko³xa² we¹ta¹hxai²ti³ai¹ti²tu³wa².
Nxe³te³nu¹ta²na¹ ĩ³yau³xai²na² nxũ²kwai³ye³la³nãu³a¹
ha³lo²a²wa³si³sin³ko³xa² wet¹sa²tẽ³ta¹hxai²ti³ai¹ti²tu³wa².

6 Hã²wxãn³txa³nũ² jũ¹nxa² yan¹nãu³u¹ta²na¹
No³e²ah³lu¹ta²na² yxau²xai³ta¹hxai²hẽ¹la².
Nxe³tãu³u¹ta²na² ĩ³yau³xai²na² sa²kxai³lu²
txa²wã¹yuh³xan¹ko³xai²li² a²nũ²a²
yxau²xai³lain¹tũ³ka³txai²li² whã²na¹ hũx¹sxã³
hxat³si¹ta¹hxai²ti³ai¹ti²tu³wa².

7 Jã¹nxe³jut³su² oh³xan¹ko³xai²na² hĩ¹na²
ĩ²ki³ko³xai²na² yuh³xai²nãn¹ko³xai²na² hĩ¹na²
ĩ²ki³ko³xai²na² nxe³sxã³ te²yã¹nxe³sxã³
hũx¹sxã³ hxat³sih¹xah³lho³la². Txa²wã¹sũ³na²
a²yxo²wãn³txu¹txai²na² e³ju³tan¹te²kxa³ya³lhu²
ko³nxe³te²la³ a³ya³txi²kxe³nũ³a² ũh³wxe³na²hẽ³la².
Nxe³te³na¹ ha³lo²ai²na² whã²na¹ Txa²wã¹sũ³na²
wãn³txu¹ta²na² we¹ta³lun²si¹ja³kxa³nũ³su²
ha³nxe²a² ĩ³ju³ta² ĩ³hxan³si¹tu¹wa². Nxe³tãu³ãn²tu³
a²nũ²a² ko³nxe³thin¹te²nãu³xai²na² a²yxo²ha³kxa¹
ko³nxe³ti³ ĩ³yĩ¹li²ha²kxai³ ko³nxe³thin¹kxa² yo³ha²

ũ³hũ¹ai¹nha²kxai³ nxe³ain¹tu¹wa².

8 Nxe³nxa²ha¹te¹ txa²wã³tã³nãu³yah³lxin¹te²nãu³
ĩ³nxa² sa²kxai³lu² a³lxĩ¹nx2ta¹wa²,
Nxe³nx2ta¹ha²kxai³ wãn³txa² e³kxi¹nx2ta¹jau³nũ³a²
ne³wã²na³ah³lxĩ³txa³hẽ¹la². Txa²wã¹sũ³na²
yen³nãu³a² a³la²ni²kxi³ju³ta² ã³ta³lo³wa³to²hi²
ai³ki³ju³ta³nũ³a² yũ²nxa³wa². Ye³ka³na³ka³nat3sxã³
a³la²ni²kxi³ju³tain²txi³ ye³ka³lxa¹txi³
a³la²ni²xi²kxi³ju³tain²txi³ te²yã¹nxe² ain²na³la².

9 Nxe³jut3su² Txa²wã¹sũ³na² wãn³txu¹tai²na²
e³kxi²nẽ³jau³xu¹tai²na² win¹ta²te²lxĩ³
wxã³nũ¹nhẽ³jau³su² ti³he¹nxa³wa².
Nxe³yãn¹ta¹ thãĩ³ti³la² ya³nãn³ta³ki²la²sxã³
wah³nxe³nx2ti³na³la². A²nũ²a² i²li³hxa³te²lxĩ³
ko³nxe³ti³ kãĩ³te²a² ko³nxe³ti³ kãĩ³kxa² yo³ha²
ũ³hũ¹ain¹kxe³nũ³su² i³ka³lxĩ¹lhxĩ²nxa³wa²,
Nxe²nxa³ha²kxai³ a²ẽ¹nãu³ai²na²
ĩ³ãin²ta³kxi²nha¹jau³nũ³su² wah³nxe³tu¹wa²,
a²ẽ¹nãu³ai²na² wxa²wa²su¹te³lha³ka³.

10 Nxe³ha²kxai³ Txa²wã¹hxi²kan¹ta² Si³yxau³jah¹la²
wxã³ju³ta²nũ³a² wa³su¹txi³ wxã³tu¹wa².
A²nũ²a² kuh³lxa³sin¹jah¹lai²li² yen³kxa²
kãĩ³kxi²te³lhxã³ wa³su³txi³ wxã³ti³hũ³nxe³
Txa²wã¹hxi²kan¹ta² Si³yxau³jah¹la² wxã³ju³ta²nũ³a²
wa³su¹txi³ wxã³tu¹wa². Nxe³kxai²nãn²tu³
o³sĩ³nai²li² kãin²nxon³sãn²sxã³ ne³ki³son³tu¹wa².
U³je³na³kai²na² i³la³kxai²na² hi³ka²ta³ai²na²
nxe³sxã³ kãin² i³lat1sa²kxai³ i³hxa³nain¹tu¹wa².
Yuh³xai²nãn¹ta² ko³xa² te²na² yuh³xan¹ta² yen³kxa²
te²na² a²yo²ha³kxa¹ ũ³thũ²ha²kxai³ i³hxa³tu¹wa².

11 Jã¹nxe³ha²kxai³ yen³kxai²li² a²yo²ha³kxa¹
ũ³thũ²hxa³kxe³nũ³su² yũ³ju³tan¹te²kxa³ya³lhu²

wxa²ē¹nāu³ai²na² ĩ²nha²khai¹nxe³jah³lxi³hē¹la².
 Wi¹lhin¹ju³ta² so¹lxi³ kãi³jah³lxi³hē¹la².
 Txa²wã¹sũ³na² wãn³txa² whãi²na¹ sa²yxo²wet1sxã³
 yxau²xai³jah¹lxi³hē¹la².

12 Txa²wã¹sũ³na² Si³yxau³tãu³ai²na²
 wxã³ju³ta²nũ³a² wahx3yah³lxin¹tãu³a² wa³su¹txi³
 wxã³si¹ja³kxa³nũ³su² ã³ten³jah¹lxi³hē¹la².
 Wxã³kxai²nãn²tu³ o³sĩ³nãn²tu³ ã³thũ²hxat3sa²kxai³
 u³je³na³kai²na² i³la³kxai²na² hi³ka²ta³ai²na² kãin²
 ĩ³lat1sxã³ ĩ³ha³lxin¹nhxan³tu¹wa².

13 Kxã³nhxĩ¹nai³tã² Txa²wã¹sũ³na²
 ã³wha²li¹txã³nxa² nxe³te³nah¹lxi¹:
 – Kxã³nãu³a¹ o³sĩ³na² tah²ko³xa² ĩ³yũ¹ta¹ha²kxai³
 yuh³xan¹ko³xa² tah²ko³xa² ĩ³yũ¹ta¹ha²kxai³
 nxa¹tu¹wi¹. Nxe³na¹kxai²nãn²tu³ wi¹lhin¹ju³ta²
 so¹lxi³ yũ²sa²tē³tu¹wi¹. Nxe³ta¹hxai²ti³ai¹ti²tu³wa².
 Nxe³jau³xai²na² wxã³si¹ja³kxa³nũ³su²
 wah³nxe³ki³tã³la².

14 A²nxe³jut3su² a³lxi¹nx2ta¹nha²wa². Ju³ta³nũ³a²
 wahx3yah³lxi¹nha²kxai³ wi¹lo²la³kxi¹jah³lxi³hē¹la².
 Sũ³na² wãn³txa² sa²yxo²we¹jah³lxi³hē¹la².
 Yah³lxin¹ju³tan¹te²kxa³ya³lhu². Sũ³nu²kxai³lu²
 ĩ³ye³kxi¹nx2ti³tu¹wa². ĩ³ye³kxi¹nx2ti³te³nah¹lxi¹:

– Wxã²li² wain³txi³ sa²yxo²wet1sah¹lxi¹lxi¹.
 Kō³nxe³ti³kã³yah³lxin¹ju³ta² ã³wa²su¹tũ¹nx2ti³ha²kxai³
 hĩ³na² ĩ²nxa³wi¹. Hãu²not3sxã³ yxau³nũ¹sah¹lxi¹lxi¹.
 Sũ³na² wãn³txa² nxe³nx2ti³tu¹wa².

15 Jã¹nxe³ju³kxai³lu² wxa²ē¹nãu³ai²na²
 sa²hau³kot3nha²si¹jau³su² Txa²wã¹sũ³na² hxi²ka²
 kō³nxe³ti³ ĩ³yĩ¹li²hain¹ti³wa³kxa² wa³su¹txi³
 wxã²nxa³hē¹la². Nxe³ju³tai²na² a²yxo²ha³kxa¹

Pau²lah³lai²li² txa²wã¹wã³tã³su² a³lxi²ki³jah¹lai²li²
te²yãx¹jau³su² ũ³wha²li¹la³kxi²nẽ³tai¹ti²tu³wa².
A²hoh³lxi³khaix¹sa²jah¹lai²la¹wa². Nxe³sxã³
ĩ³tih³nxe³nẽ³te²jai¹ti²tu³wa².

16

Jã¹nxe³sxã³ Pau²lah³lai²na²
ha³teh³nxã³nxãn¹jau³su² jau¹xai²na² whãi²na¹
ĩ³yau¹ũ¹nhẽ³te²jai¹ti²tu³wa². A²nxe³jau³xai²na²
wa³le³jau³xa² yũ³nũn³na³la². A²nxe³jau³jau¹xai²na²
a²nũ²ai²nãn²tu³ Sũ³na² ũ³wha²li¹txã³nxa²
ĩ²ai¹nxa³te²nãn²tu³ Sũ³na² ã³ne³wxe³ai¹nxa³wa².
A²nũ²ai²nãn²tu³ Sũ³na² ũ³wha²li¹txã³nxa²
kan²txi³ i³ai¹nxa³te²nãn²tu³ ka²yãu¹ka²yãu¹txi³
ã³ne³wxe³ain¹na³la². Nxe³sxã³ Sũ³na²
ũ³wha²li¹txã³nxa² hãi¹nxe³ti³xa¹ te²yã¹nxe²
ka²yãu¹ka²yãu¹txi³sxã³ ã³ne³wxe³ain¹na³la².
Nxe²kãi³ai¹nha²kxai³ a²ẽ¹nãu³ai²na²
hai³txi³ wi¹lhi¹nai¹nxa³wa². Kxã³nãu³a¹
Txa²wã¹sũ³na² hi²sen³kxai³lu² kō³nxe³ti³
ĩ³yĩ¹li²hain¹tu¹wa². Kō³nxe³ti³ i³yĩ¹li²hai¹nha²kxai³
khãuh³lxa³txi³sa²tẽ³ain¹ju³ta³nũ³a² yũ³yain¹tu¹wa².

17

Jã¹nxe³jut³su² wxãi²nãn²tu³
a³lxi¹nx2ta¹nha²wa². Jau³jau¹xai²na²
wi¹kō³nha²yah³lxi¹lxa². Wi¹kō³nha²yah³lxi¹nha²kxai³
ĩ²nha²khai¹nxe³jah³lxi³hẽ¹la². Yxãn¹ta¹
nxe³yah²lxan³kxai²nãn²tu³ a²nũ²ai²na²
Sũ³na² wãn³txa² sa²yxo²we¹txa³te²yã¹nxe²
yah³lxi³te²sa²hĩ³nxa¹lxa³. Yah³lxin¹kxai²nãn²tu³
ha³yax3khi¹nã³ yxo²ĩ²yah³lxi¹nha³ta²wa².

18 Nxe³yãn¹ta¹ te²yã¹nxe² kãi³yah³lxi³txa³hẽ¹la².
Je³su² Kris²tu³jah¹la² Txa²wã¹hxi²kan¹ta²
Si³yxau³jah¹lai²na² txa²wã¹ẽ¹nãu³ai²na²
sa²hau³ko³tũ¹nhẽ³jah¹lai²na² kãin² thãi³ti³la²

a³lxi¹nx²ti³ju³ta² ã²la² kã²non³ju³ta³nũ³a²
 ã³ten³jah¹lxi³hẽ¹la². Jah¹lai²li² ã²la²
 kã²non³sxã³ a³la³kxi²nũ¹jah¹lxi³hẽ¹la².
 Jah¹lai²na² so¹lxi³ sa²nẽn¹kxi²sa²tẽ³jah¹lxi³hẽ¹la².
 Yah³lxi¹nhĩ¹nãn¹te²tu³ sa²nẽn¹kxi²sa²tẽ³jah¹lxi³hẽ¹la².
 Jã¹nxe³na¹jau³su² nxe³ye¹nx²ta¹wa². Ta³lu²na¹wa².

Txa²wã¹sũ³na² Wãⁿ³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

5198f7a7-ab9d-5d69-b112-d94960f81d2a